

დღესნუმი

გაზეთი გამოდის
1988 წლის
10 მაისიდან

საქართველოს კომპარტიის ცენტრის რაიონული კომიტეტისა და
ცენტრის სახალხო დეპუტატთა რაიონული საბჭოს ორგანო
«ЛЕЧУМЫ» — Орган Цагерского райкома Компартии Грузии
и Цагерского районного народных депутатов

№44 (6270) ხუთშაბათი

12 აპრილი

1990 წელი ფასი 3 კპპ.

სოცალი

დღე

ქართული
ხალხური

მიმდინარე

წლის

მოსავლის სამსახური

მეაბრეშუმეობა: ვიცოდეთ მისი ფასი

ახლა აქტიური მოქმედების დროა და არა გაცეითი და მუყირალი ლოზუნგების მოშე-
ლოებისა, არც იმის ლოდინის, თუ რას გიწილადებენ, რა დაგ-
რჩება შენს სასარგებლოდ და რა არა. დასახნავი უნდა დაიხ-
ნას, გასაშენებელი უნდა გაშე-
ნდეს.

ამ წერილის ასეთი შესავალი რაიონის საზოგადოებრივ მეურ-
ნეობათა ხელმძღვანელების გუ-
ლგრილობა-უმოქმედობამ გვიკა-
რნახა, რასაც ისინი აბრეშუმის
საკვები ბაზის განმტკიცებისადმი
იჩენენ. იქნებ ვინმე შემოგვე-
დაოს კიდევ, თუთის ნერგის კი
არა, ვენახისა და ბაღის გაშენე-

ბის საქმეს მოვწყდით და ეს
თუთის ნერგი ვიღას რაღაში გა-
ახსენებდნენ.

მეაბრეშუმეობა რაიონის სო-
ფლის მეურნეობის არა ნაკლებ
ტრადიციული დარგია და, მით

შეუძლია, ამაზე ბევრი დაიწერა
და აღარ გავიწირობოთ. მხოლოდ
ვიტყვი იმას, თუ რაიონის სა-
ზოგადოებრივ მეურნეობებს რა-
ოდენ დიდი მოგება მისცა აბ-

ეზული, რაც რეკომენდებულია
მოხმარდეს დარგის შემდგომ
განვითარებას, ნერგის შეძენას,
თუთის საწარგე ფართობების
დაცვა-შემოკავებას და მეაბრე-
შუმეთა მატერიალურ წახალის-
ებას.

2000 ძირი თუთა გასაშენებელი,
ხოლო დანარჩენ საზოგადოებ-
რივ მეურნეობებში 1800-1800
ძირი, სულ რაიონის საზოგადო-
ებრივ მეურნეობებში წელს
16000 ძირი თუთის ნერგი უნდა
გაშენდეს. ეს კარგად იცინათ თი-
ოფელურ საზოგადოებრივ მეურ-
ნეობებში, მაგრამ დამაფიქრე-
ბელ, პირდაპირ საგანგაშო გუ-
ლგრილობას იჩენენ.

მიუხედავად მრავალწერ შე-
ხსენებისა, რაიონის არც ერთი სა-
ზოგადოებრივი მეურნეობის ხე-
ლმძღვანელი თუ სპეციალისტი არ
ზრუნავს, გარდა ლასურიაშის
კოლმეურნეობისა, რომელსაც,
როგორც უკვე აღვნიშნეთ, საკ-
უთარი საწარგე აქვს და აქ თუ-
თის ნერგის გაშენების გეგმის
შესრულებასაც რა დაუდგება
წინ.

მიზეზად კოლმეურნეობის მო-
სალოდნელი გაუქმების მოშე-
ლიება ვერაფერი პატრიოტობა
და მამულიშვილობა, ვიდრე
ჭერჭერობით ყველაფერი თავის
ადგილზეა და საზოგადოებრივ
მეურნეობათა ხელმძღვანელობა-
ში პრაქტიკულად არაფერი შე-
ცვლილა, რას ველოდებით, სა-
სწრაფოდ ვიზრუნოთ ჩვენთან,
ჩვენს პირობებში გამოყვანილი
თუთის ნერგის შეძენისა და გა-
შენების გეგმის შესრულებისა-
თვის.

ლო ღრნის დრო აღარაა

უფრო, ახლა, როცა რესპუბლი-
კის ეკონომიკური დამოუკიდე-
ბლობისათვის ზრუნვა ყველა
კერძო პარტიის ქართველის საფიქ-
რალია და ქართულ აბრეშუმს ამ
მხრივ თუ რა საქმის გაკეთება

რეშუმის პარკის წარმოების
გასული წლის სა-
გეგმო დავალების შესრულებაში.
რაიონის თითქმის ყველა საზო-
გადოებრივ მეურნეობას საბიუ-
ჯეტო თანხიდან მიღებული აქვს
ფასდამატა 100 პროცენტით,
ხოლო უსახელოურის მევენახე-
ობის საბჭოთა მეურნეობაზე ეს
თანხა 150 პროცენტითაა გაძე-
მული. სულ რაიონის საზოგად-
ოებრივ მეურნეობებზე პირდაპ-
ირი დანახარჯის, გაწეული
შრომის ფასად გაძე-
მულია 214 747 მანეთი
ფასდამატის სახით კი 211.730
მანეთი. ყველაზე მეტი ფასდამა-
ტი მიღებული აქვთ ცაგერის
(27 ათასი მანეთი), ლაჩანის
(24 ათასი), ლასურიაშის (25
ათასი), ჩხუტელის (19 ათასი),
ლაილაშის (17 ათასი) კოლმეურ-
ნეობებს, ხოლო უსახელოურის
მევენახეობის საბჭოთა მეურნე-
ობას ამ დარგიდან ფასდამატის
სახით 83.817 მანეთი აქვს მიღ-

მეაბრეშუმეთა წახალისების
მიზნით აღნიშნული თანხა კი
გამოიყენეს მხოლოდ ცაგერის,
ლასურიაშისა და ჩხუტელის კო-
ლმეურნეობებში, მაგრამ საკვები
ბაზის განმტკიცების მიზნით მე-
ტად ინდიფერენტულად იქცევია
რაიონის საზოგადოებრივ მეურ-
ნეობათა ხელმძღვანელები.
ამ მხრივ მისაბამია ლასურია-
შის კოლმეურნეობის ხელმძღვა-
ნელთა მოქმედება. მათ საკუთ-
არი საწარგე მოაწყვეს და აღ-
ილობრივ პირობებს შეგუებული
20 ათასი ძირი ორწლიანი სტა-
ნდარტული ნერგი აქვთ გამოყ-
ვანილი, სამომავლოდ პერსპექტი-
ული, საიმედო, თითოეული ძი-
რის ფასი 50 კაპია.

რაიონის ყველა საზოგადოე-
ბრივ მეურნეობას აქვს თუთის
ნერგის გაშენების გეგმა. ასე,
მაგალითად ლაჩანის, ცაგერის და
ლასურიაშის კოლმეურნეობებში
და უსახელოურის მევენახეობის
საბჭოთა მეურნეობაში 2000-

ჩვენი დღეების

აღამიანები

□

შეამცირა სოფელში საბ-
რუნავი მიწის ფართობი,
ამ 42 კომლიანი
სოფლის სახნავ-სათე-

იმრავლონ

მადლობა ღმერთს, რომ
ჩვენი ეროვნული თვითშე-
გნების გაღვიძება კიდევ
კარგ დროს მოხდა და
ლოზუნგმა-ჩვენი ინტერნა-
ციონალისტები ვართ, ჩვე-
ნსავე მიწაზე ლამის ეროვ-
ნულ უმცირესობად არ
გვაქცია.

სწორედ ამიტომაც, რომ
ჩვენი თვალი და ყური
მრავალშვილიანი ოჯახები-
სკენაა მიმართული და იმ-
ედით, რწმენით შეგყურ-
ებთ ასეთ ოჯახებს, რადგან
მათ ჭერქვეშ საქართველო-
ს მომავალს ვხედავთ.

სოფელ ქულბაქში ნათე-
ლა და დიომიდეს სვანიძე-
ების ოჯახში 6 შვილი იზ-
რდება. მათგან ორი დაოჯ-
ახებულია, ერთი სამხედ-
რო სამსახურშია, სამი კი
მოსწავლეები არიან.

ოჯახში შრომისმოყვარე-
ობის სულისკვეთება სუ-
ფივეს. დედ-მამა კარგ მაგ-
ალითს უჩვენებს თავის
მომავალს. შრომაში ატა-
რებენ თავიანთ ცხოვრე-
ბას და შვილებიც დედ-მამ-
ის კვალს მიჰყვებიან. დი-
ომიდეს სვანიძეს მეცხოვე-
ლეობის ფერმაში შრომის
დიდი გამოცდილება აქვს.
ახლაც იჯარით ჰყავს ჩაბა-
რებული და 40 თხას უფლის.

სავალალოა, რომ ერთ
დროს სოფლის სრულიად
მოულოდნელმა განსა-
ხლებამ კატასტროფულად

სი ფართობი ახლა
მხოლოდ 6 ჰექტარია. ამი-
ტომაც, რომ სვანიძეების
ოჯახს 0,2 ჰექტარი სასიმი-
ნდე ფართობი აქვს გაპირ-
ოვნებული იჯარით. შრომა
უყვართ და ცხოვრებაც არ
უჭირთ. მარტო გასულ
წელს 1,5 ტონა ხორცი
მიჰყიდეს სახელმწიფოს,
2 ტონა კი-წინა წელს.
ახლა კი გლეხური მეურნე-
ობის დანერგვის მცდე-
ლობა იმის იმედს იძლევა,
რომ 6 ჰექტარამდე შემცი-
რებული სახნავი ფართო-
ბი გაიზრდება. რად-
გან რეზერვები უხვადაა.
სოფელ ქულბაქის მიწის
ფონდის პასპორტში გარე-
ვევით წერია, რომ 289
ჰექტარი ტყე-ბუჩქნარის
გარდა სათიბ-საძოვარი 80
ჰექტარია. სულ კი მიწის
ფონდი აქ 320 ჰექტარს
შეადგენს.

ასე, რომ დიომიდეს სვა-
ნიძის ოჯახის მსგავსი მრავ-
ალშვილიანი ოჯახები
სჭირდება ბუნებრივი პირო-
ბებით მდიდარ ჩვენს სო-
ფლებს, უბატრონოდ მიტ-
ოვებულ მიწებს, რაიონის
ეკონომიკას, სრულიად სა-
ქართველოს დარღვეულ
დემოგრაფიულ წონასწო-
რებას.

ჯ. მანდარია.

სსრ კავშირის უზენაესი საბჭოს დადგენილება

„სსრ კავშირიდან მოკავშირე რესპუბლიკის გასვლასთან დაკავშირებულ სა-
კითხო გადაწყვეტის წესის შესახებ“ სსრ კავშირის კანონის სამოქმედო
შემოღების თაობაზე

სსრ კავშირის უზენაესი საბჭო
ადგენს:

1. შემოღებულ იქნეს სამოქმედო
დოკუმენტი სსრ კავშირის კანონი „სსრ
კავშირიდან მოკავშირე რესპუბ-
ლიკის გასვლასთან დაკავშირებულ
საკითხთა გადაწყვეტის წესის
შესახებ“ მისი გამოქვეყნების
მომენტიდან.

2. დადგინდეს, რომ არავითარ
მოქმედება, რომელიც დაკა-
ვშირებულია სსრ კავშირიდან
მოკავშირე რესპუბლიკის გასე-
ლის საკითხის დაყენებასთან და
ეწინააღმდეგება სსრ კავშირის
კანონს „სსრ კავშირიდან მოკა-

ვშირე რესპუბლიკის გასვლას-
თან დაკავშირებულ საკითხთა
გადაწყვეტის წესის შესახებ“,
ვიუხედავად იმისა, განხორციე-
ლდა იგი კანონის სამოქმედო
შემოღებამდე თუ შემოღების
შემდეგ, არ წარმოშობს არავი-
თარ იურიდიულ შედეგს არც
სსრ კავშირისა და არც მოკავშ-

ირე რესპუბლიკებისათვის.
3. მოკავშირე რესპუბლიკების
უზენაესმა საბჭოებმა შეუსატ-
ყვისონ მოკავშირე რესპუბლიკე-
ბის კანონმდებლობა სსრ კავშ-
ირის კანონს „სსრ კავშირიდან
მოკავშირე რესპუბლიკის გასე-
ლასთან დაკავშირებულ საკითხთა
გადაწყვეტის წესის შესახებ“.

სსრ კავშირის უზენაესი საბჭოს თავმჯდომარე

ა. ლუკინოვი.

მოსკოვი, კრემლი, 1990 წლის 8 აპრილი.

სოფლის მეურნეობის

ბანკოთსარება

საქართველოს კომპარტიის საგარის რაიკომის პლენუმი

გამართა საქართველოს კომპარტიის ცენტრის რაიკომის პლენუმი, რომელმაც მოიხილა საქართველოს კომპარტიის ცენტრის რაიკომის პირველი მდიანის ე. კ. გუგავას მოხსენება საკითხზე—სკკპ 27-ე ყრილობისა და სკკპ ცენტრალური კომიტეტის 1989 წლის მარტის პლენუმის დადგენილებათა შესაბამისად რაიონის აგროსამრეწველო კომპლექსის განვითარებისათვის პარტიული ხელმძღვანელობის მიზნით გაწეული მუშაობისა და მისი შემდგომი ამოცანების შესახებ.

აღინიშნა, რომ კომუნისტური პარტიის მიერ დასახულმა რევოლუციური გარდაქმნის კურსმა თვისობრივად ახალ განვითარებას მიაღწია.

სსრ კავშირის სახალხო დეპუტატთა რიგგარეშე, მესამე ყრილობამ ქვეყნად მიმდინარე პოლიტიკური და ეკონომიკური გარდაქმნების კიდევ უფრო განვითარების, კონსტიტუციური წყობილების, მოქალაქეთა უფლებების, თავისუფლებისა და უშიშროების განმტკიცების მიზნით დაუწყეს ქვეყნის პრეზიდენტის პოსტი, პრეზიდენტად არჩეულია სკკპ ცენტრალური კომიტეტის გენერალური მდიანი ან. მ. ს. გორბაჩოვი.

სკკპ ცენტრალური კომიტეტის გასული წლის მარტის პლენუმზე პარტიის მიერ შემუშავებული ეკონომიკის განვითარების სტრატეგიული მიმართულებებიდან მთავარი როლი აგროსამრეწველო წარმოებას და კონკრეტულად, მის ცენტრალურ რგოლს—სოფლის მეურნეობას განეკუთვნება.

აგროსამრეწველო კომპლექსის დაჩქარებულად განვითარების აუცილებლობის საკითხს განსაზღვრავს სასურსათო პროგრამის რეალიზაციაში დაშვებული ჩამორჩენა და ნაკლოვანებები, რაც სერიოზულ სიძნელეებს ქმნის სასურსათო პრობლემის კონსტრუქციულ გადაწყვეტაში.

ამ საპროგრამო ამოცანების პოზიციიდან განიხილება ის დიდი მოთხოვნები, რომელსაც პარტია, როგორც თანამედროვე ეტაპზე, ისე განსაკუთრებით უახლოესი პერსპექტივისათვის სახავს ქვეყნის აგროსამრეწველო კომპლექსის განვითარების მიმართულებით.

კოოპერაციულ მოძრაობას ჩვენში ღრმა საფუძველი აქვს. კოოპერაციულმა ფორმამ, კოლმეურნეობებმა ანუ, როგორც მაშინ უწოდებდნენ, სასოფლო-სამეურნეო არტელებმა ჩვენს რაიონში ოცდაათიან წლებში დაიწყო ფუნქცი-

ონირება. 1933 წლისათვის რაიონში შექმნილი იყო 52 კოლმეურნეობა 2489 კომლით. კოლმეურნეობათა რაოდენობამ 1938 წლისათვის 64 მიაღწია, რომელშიც გაერთიანებული იყო 6357 კომლი 30.851 კოლმეურნე წევრით. ამათგან 12 ათასი შრომისუნარიან კოლმეურნეს შეადგენდა.

ისევე, როგორც მთელს ქვეყანაში, რაიონის კოლმეურნეობებმაც განიცადეს ბევრი რთული ისტორიული შემობრუნება და სიძნელე. მართვის მბრძანებლური მეთოდების გაძლიერების, საზოგადოებრივი ცხოვრების დემოკრატიული საფუძვლების შეზღუდვის პირობების დამკვიდრებამ დიდი ზიანი მიაყენა აგროსამრეწველო, იყო დრამატული, ყოვლად გაუმართლებელი ზომებზე, —საზოგადოებრივ მეურნეობათა დამსხვილებები.

1950 წელს მოხდა პირველი დამსხვილება და დარჩა 30 კოლმეურნეობა, 1966 წლისათვის დარჩენილი 27 კოლმეურნეობის ბაზაზე შეიქმნა 12 დამსხვილებული კოლმეურნეობა.

კოლმეურნეობების ეკონომიკაზე სერიოზულ გავლენას ახდენდა თვითნებობის ხშირი კამპანიები. დიდ ზარალს იწვევდა წარმოებაში გიგანტომანია. მარტო უკანასკნელ სამ ხუთწლიან რაიონში აშენდა 3640 ათასი მანეთის საბალანსო ღირებულების მქონე 8 მეცხოველეობის კომპლექსი, რომელთაგან ლასურიაში კოლმეურნეობაში აშენებულ სახბორე-გამოსაზრდელ კომპლექსს, რომლის საბალანსო ღირებულებაც 650 ათას მანეთს შეადგენს, ერთი დღეც არ უმუშავია.

კოლმეურნეობათა დამსხვილებამ უარყოფითი გავლენა მოახდინა როგორც სასოფლო-სამეურნეო პროდუქტების მოცულობათა ზრდაზე, ასევე რაიონის სოციალურ, ყოფით და ფსიქოლოგიურ გარემოებებზე, რომელთა დამადსტურებლად შეგვიძლია აღვნიშნოთ, რომ 1950 წლისათვის სასოფლო-სამეურნეო კულტურები ითესებოდა 8886 ჰექტარზე. ამათგან მარცვლეული 8541 ჰექტარზე, მსხვილფეხა რქოსანი პირუტყვის რაოდენობა—12061 სულს შეადგენდა, ფუტყის რაოდენობა—2250 ძირს, ვენახი—700 ჰექტარს, ბალის ფართობი—688 ჰექტარს.

კოლმეურნეობათა გაუქმება-გამსხვილებამ მოშალა თაბორის, სურამუშის, უცხერის, ცხუკუშერის, ლახეფის, მახაშის, აღვის, დეხვირის, ლარჩვალის, წილამიერის, ლაცორის, საირმის და სხვა მრავალი სოფლების ცენტრები, გაიზა-

რდა და ყოველგვარ მართვას მოკლებული აღმოჩნდა მიგრაციის საკითხები. შედეგად სახეზეა ერთ დროს 35-40 ათასიანი მხარე დღეისათვის 17 ათასამდე კაცს ითვლის.

პრობლემები, რომლებიც რაიონის აგროსამრეწველო კომპლექსში დაგროვდა, მოიცავს არა მარტო წლებს არამედ ათწლეულებსაც, საბოლოო შედეგებით კი მთავარი შემადგერბელი ბარიერი გახდა.

წინდაუხედაობამ, მხოლოდ ერთი დღის წარმატებებით დაკმაყოფილებამ, მოჩვენებითი კეთილდღეობის ფორმებისა და მეთოდების დანერგვამ, იერიშობანამ გეგმების შესრულებისათვის და ამ საქმეში მთელი პარტიული მექანიზმის ამოქმედებამ ვერაგითარი ეკონომიკური ეფექტი ვერ მოგვიტანა.

უხეშად ირღვეოდა თანაფარდობა შრომის ნაყოფიერებასა და ზრდის ტემპებს შორის, ამის ნათელი დადასტურებაა ის ფაქტი, რომ 1976 წლის შემდგომ ათწლეულში რაიონის კოლმეურნეობებსა და სამეურნეობათშორისო საწარმოებში შრომის ნაყოფიერება გაიზარდა 42 პროცენტით, ხოლო შრომის ანაზღაურება—100 პროცენტით.

აღნიშნული მდგომარეობა განაპირობა იმ გარემოებამ, რომ კოლმეურნეობათა გამგეობები, სამეურნეობათშორისო საწარმოთა ხელმძღვანელები, აგრონომიური, საბუღალტრო ადრინცების და ეკონომიკური სამსახურების მუშაკები სუსტად წვდებოდნენ ეკონომიკის საკითხებს.

ვოლუნტარიზმისა და უმრავლესობის პერიოდში ჩვენმა ეკონომიკამ განვითარების კრიზისულ ზღვარს მიაღწია. მიუხედავად მრავალგვარი ექსპერიმენტის შემოღებისა და დანერგვის ცდისა, შრომის ორგანიზაციის დამკვიდრებულმა ფორმებმა, რომელიც არსებითად სცილდებოდა საბოლოო ეკონომიკური შედეგებიდან შრომითი სარგოს მიღებას, რაიონის აგროსამრეწველო კომპლექსში შემაჯავლი საზოგადოებრივი ორგანიზაციები სავალალო ეკონომიკურ შედეგებამდე მიიყვანა. 1986 წლისათვის რენტაბელობის დონემ მინუს 14 პროცენტი შეადგინა, გარდვევამ საკუთარ საბრუნავ საშუალებებში 447,6 ათას მანეთს მიაღწია, ბანკის ვადაგადაცილებულმა სესხებმა—1730 ათას მანეთს, ხოლო ერთი კოლმეურნის წლიური ანაზღაურება 684 მანეთამდე დავიდა.

რაიონის ხელმძღვანელმა ორგანოებმა მდგომარეობიდან გამოსავალი ჰპოვეს ახალი სამეურნეო მექანიზმ-

ის—კოლექტიური და ოჯახური იჯარის დანერგვაში.

2000 წლამდე რაიონის კოლმეურნეებს, ოჯახებს, ბრიგადებს, რგოლებს მიემართა მარცვლეულის, მსხმოიარე და არამსხმოიარე ვენახის, ბალის, სათიბისა და საძოვრის ფართობები. იჯარაში ჩაება მოსახლეობის 90 პროცენტი, გამოთავისუფლდა ზედმეტი მერსონალი, რითაც 769 ათასი მანეთით შემცირდა ხელფასებში დანახარჯები. საზოგადოებრივ მეურნეობათა უმრავლესობას გაუჩინდა საკუთარი საბრუნავი საშუალებები.

საზოგადოებრივ მეურნეობებში ეკონომიკური მაჩვენებლების ერთგვარი გაუმჯობესების მიუხედავად, საფინანსო მდგომარეობა რეალურად ძალზე მძიმედ გამოიყურება. ფას-დანამატის გარეშე გასული სამეურნეო წელი 1451 ათასი მანეთის ზარალით დაამთავრეს. კიდევ უფრო ცუდი მდგომარეობა აქვთ ცალკეულ მეურნეობებს. აღსანიშნავია, რომ რაიონის აგროსამრეწველო კომპლექსში შემაჯავლი საზოგადოებრივ ორგანიზაციებს და გაერთიანებებს ძირითად და განუყოფელ ანგარიშზე ერიცხებათ 3.427 ათასი მანეთი. ამასთან აქვთ 6783 ათასი მანეთის სახელმწიფო ვალი, აქედან მიმდინარე წელს დასაფარავია 437 ათასი მანეთის კრედიტი.

ახლანდელ საზოგადოებრივი მეურნეობების საანგარიშო კრებებზე რაიონის მშრომელებმა პრინციპულად დასვეს საკითხი კოლმეურნეობების გაუქმების და მათ ბაზაზე გლეხური მეურნეობების ჩამოყალიბების შესახებ.

რაიონის საზოგადოებრივი მეურნეობების გლეხურ მეურნეობებად განვითარება აუცილებლობას წარმოადგენს იმის გამოც, რომ რთული რელიეფური პირობები არ იძლევა საშუალებას სასოფლო-სამეურნეო წარმოება განვითარდეს მაღალი რენტაბელობის მიღწევით. 1987 წელს და იმის წინა პერიოდში, როცა რაიონში არ იყო დანერგილი ოჯახური იჯარა, საზოგადოებრივ მეურნეობათა რენტაბელობის დონე ფასდანამატისა და დოტაციის ჩათვლით 9,6 პროცენტს არ აღემატებოდა. 1988 წელს ოჯახური იჯარის დანერგვით გაიზარდა რენტაბელობის დონე, მაგრამ იგი მაინც არ არის საკმარისი იმისათვის, რომ კოლმეურნეობებმა იმუშაონ თვითდაფინანსებისა და თვითანაზღაურების პირობებში.

პრაქტიკამ დაგვანახა, რომ ოჯახური იჯარა წინადადებული ნაბიჯია საზოგადოებრივ მეურნეობათა

ეკონომიკური გაჯანსაღებისათვის, მაგრამ ისიც ნათელია, რომ საკოლმეურნეო წყობილების ზოგიერთი მანკიერი ტრადიციების გამო სასოფლო-სამეურნეო წარმოების ზოგიერთი დარგის (მეცხოველეობა, მევენახეობა) განვითარებას და პროდუქციის მკვეთრ ზრდას იჯარის დანერგვითაც ვერ ვაღწევთ, ვინაიდან მიწა, რომელიც ხელშეკრულებით გარკვეულ ვადით გადაეცათ კოლმეურნეებს, მაინც ვერ გაითავისა გლეხმა, რადგანაც სამემკვიდრეო უფლება მიწაზე მას არ გააჩნია. ამიტომ არის, რომ არ ხდება ახალი ვენახებისა და ბაღების გაშენება, მეჩხერიანობის შემცირება, ორგანული სასუქებით განოყიერება და სხვა.

ამდენად შეიძლება ითქვას, რომ იჯარა გახდა წინაპირობა კოლმეურნეობების გლეხურ მეურნეობებზე გადაყვანისა.

თუ გავითვალისწინებთ იმას, რომ რთული რელიეფური პირობების გამო რაიონში თითქმის ყველა სასოფლო-სამეურნეო სამუშაო ხელით სრულდება და ძლიერ შეზღუდულია მექანიზაციის გამოყენება, გლეხურ მეურნეობაზე გადასვლის ძირითად პირობად და მისი დანერგვის საფუძვლად უნდა მივიჩნიოთ საზოგადოებრივ სექტორში არსებული მიწის გადაცემა მოსახლეობაზე სამემკვიდრეო უფლებით, მუდმივ სარგებლობაში, მიღებული მოსავალი უნდა დარჩეს გლეხის განკარგულებაში, რომელიც გაყიდის მას თავისი ნება-სურვილით ბაზრის ან სახელმწიფო დამზადების მეშვეობით.

იმისათვის, რომ გადავადეთ გლეხურ მეურნეობაზე, საჭიროა უპირველესად მოვახდინოთ სახნავის, ბალის, ვენახის და სათიბების სრული ინვენტარიზაცია, უნდა დაზუსტდეს და გამოიყოს საკარმიდამო (სამოსახლო) მიწის ფონდი პერსპექტივების გათვალისწინებით.

მიწების განაწილების კრიტერიუმები უნდა გახდეს ამჟამად არსებული საიჯარო მიმავრება საკარმიდამო მიწის ფართობების ოდენობის გათვალისწინებით ზღვრულ ფარგლებში ცალკეული სოფლების თავისებურებათა მიხედვით.

მიწის განაწილება მოხდება მიწის მუდმივ სარგებლობაში მემკვიდრეობით გადაცემის აქტის საფუძველზე. რენტის გადასახადი დაწესდება არსებული წესის შესაბამისად.

გადაუდებელი

საზრუნავი

საქართველოს

პოპარტიის

საგაროს

რამკომის

კლანუმი



ამასთან ვენახისა და ბაღის ნაკვეთებზე მაწის მფლობელი იხდის ერთეული ნარგავობის ღირებულებას კომისიის დადგენილი ფასის მიხედვით, რომელიც განაწილებს სოფლის დანარჩენ მცხოვრებლებზე. რენტის გადახდა განხორციელდება 1993 წლის 1 იანვრიდან. საძირკები რჩება სოფლის სარგებლობაში. მისი ღირებულება ანაზღაურდება სასოფლო საბჭოს მიერ სულადობის მიხედვით.

პირუტყვის განაწილება განხორციელდება შესყიდვის საფუძველზე, სურვილის მიხედვით სახელმწიფო ფასით, ანდა მოხდება მათი სახელმწიფოსათვის ჩაბარება.

შენობა-ნაგებობანი, რომლებიც გამოსაყენებლად ვარგისია, სახელმწიფო ფასის დაფარვის შემთხვევაში გადაეცემა ადგილობრივ საბჭოებს ბალანსიდან ბალანსზე პერსპექტიული ღირებულების განვითარებისათვის.

მანქანა - ტრაქტორები უსასყიდლოდ ბალანსიდან ბალანსზე გადაეცემათ მანქანა-ტრაქტორთა რემონტისა და ექსპლუატაციის საწარმოს სახელმწიფო ფასებით მოსახლეობის მომსახურებისათვის. ამასთან მსურველებს მიეცემა მანქანა-ტრაქტორები ადგილების მიხედვით.

ვენახის, დახმარების, დაზღვევის უზრუნველყოფის და სხვა საკითხები გადაწყდება უშუალოდ გლეხების სურვილით სადაზღვევო და სოცუზრუნველყოფის ორგანოებთან პირადი ურთიერთობის საკუთრებაზე.

ცალკეულ კომპლექსებში გლეხურ მეურნეობაზე გადასვლა განხორციელდება საკომპლექსო წესდების შესაბამისად ინდივიდუალური წერილობითი განცხადებების საფუძველზე, ამასთან მხედველობაში იქნება მიღებული ის ვითარება, რომ გლეხურ მეურნეობაზე გადასვლის შესაძლებლობა ექცევათ ინდივიდებს კომპლექსების დარჩენის შემთხვევაშიც.

გლეხურ მეურნეობებში მომსახურებისა და ნამეტი პროდუქტების დამზადებისა და რეალიზაციისათვის გათვალისწინებულია შეიქმნას რეგიონალური კოოპერატივები, რომელთა წევრებად გაერთიანდებიან გამონათვისებელი კადრების ნაწილი, ხოლო აგროსამრეწველო გაერთიანების ნაცვლად შეიქმნება საწარმო-ტექნიკური მომსახურებისა და სასოფლო-სამეურნეო პროდუქციის შესყიდვის ორგანიზაციის რაიონული გაერთიანება, რომელიც კოორდინაციას გაუწევს ადგილებზე შექმნილი კოოპერატივების სა-

ქმიანობას და იმუშავებს სამეურნეო ანგარიშზე.

გლეხურ მეურნეობებზე გადასვლისათვის მუშაობა უკვე დაიწყო, შედგენილია განსახორციელებელი ღონისძიებების გეგმა, გრაფიკი და დროებითი დებულება, რომელთა შესაბამისად პირველ რიგში მიმდინარეობს სამოსახლო მიწების ფონდების დაზუსტება, გამოყოფა და განაწილება. ჩამოიწერება აგროსამრეწველო კომპლექსის ორგანიზაციებში რიცხული განვადებული ვალები და სხვა.

რაიონული საბჭოს აღმასკომი, მასთან შექმნილი რაიონული კომისია გადამჭერლ ოპერატიულ ღონისძიებებს განახორციელებს რაიონის საზოგადოებრივი მეურნეობების თანმიმდევრობით გლეხურ მეურნეობაზე გადასვლისათვის, ამასთან პირველადმა პარტიულმა ორგანიზაციებმა, საზოგადოებრივ მეურნეობათა ხელმძღვანელებმა ყოველი ღონე უნდა იზმარონ საგზაფხულო სამუშაოების აგროტექნიკურ ვადებში ჩატარებისათვის.

მასშტაბური, შემოქმედებითი სიახლეებით სავსეა ის სამუშაო, რაც რაიონის პირველადმა პარტიულმა ორგანიზაციებმა უნდა გასწიონ სკკპ ცენტრალური კომიტეტის მარტისა და საქართველოს კომპარტიის ცენტრალური კომიტეტის ივნისის პლენუმის გადაწყვეტილებათა შესასრულებლად, ვინაიდან პარტიულ მუშაობაში შემოვიდა საქმიანობის არასტანდარტული ფორმები და მეთოდები. პარტიული ორგანიზაციები, კომუნისტები მათი მოღვაწეობის როლსა და ავტორიტეტს საუკეთესო საბოლოო შედეგებში უნდა ხედავდნენ. ამისათვის საჭიროა კომუნისტები და უპარტიო ამხანაგები შევჩვიოთ სიტყვისა და საქმის ერთიანობას.

ახლა, როდესაც საქართველოს სსრ კონსტიტუციის მეექვსე და დანარჩენი მუხლებმა დააკანონეს კომუნისტური პარტიის, სხვა საზოგადოებრივი ორგანიზაციების, მასობრივი მოძრაობების თანასწორუფლებიანობა სახელმწიფო პოლიტიკის შემუშავებაში, სახელმწიფო და საზოგადოებრივი საქმიანობის მართვაში, რაიონის პირველადი პარტიული ორგანიზაციები, კომუნისტები ვალდებული არიან პოლიტიკური დიალოგის გზით მთელი ძალისხმევით მოახმარონ მშრომელთა კეთილდღეობის ამაღლებას, რაიონის წინაშე მდგარი სოციალურ-ეკონომიკური საკითხების დადებითად გადაჭრას.

განსაკუთრებით ახალ თვისობრივ დონეზე უნდა ავიყვანოთ იდეოლოგიური საქმიანობა. საჭიროა იდეო-

ლოგიური სამსახურის მუშაკი იყოს ზნეობრივად ჯანსაღი, პრაქტიკული, ეკონომიკურად მოაზროვნე კომუნისტი. ყოველნაირად უნდა შეიზღუდოს ფორმალისმი, ქალაქდომანია, იდეოლოგიური ღონისძიებების, ციფრების გამოდევნება. ყოველი ღონე უნდა ვიხმართ იმისათვის, რომ მშრომელ მასებში მიდიოდეს ჯანსაღი, სწორი პოლიტიკური რესებები მიმართული საჭირობოროტო საკითხები.

ახალი აგრარული პოლიტიკის განხორციელებისას უდიდესი როლი ენიჭებათ სახალხო დეპუტატთა ადგილობრივ საბჭოებს. მათი საბრძოლო ამოცანა უნდა გახდეს ბუნებრივი მიწის რესურსების სრულად და რაციონალურად გამოყენებისათვის ზრუნვა, მშრომელთა უფლებების დაცვა, სოფლის სოციალურ-კულტურული ბაზის განვითარება. ისინი სულ უფრო და უფრო ეფექტიან გავლენას უნდა ახდენდნენ სასურსათო პროგრამის განხორციელებაზე, იბრძოდნენ ადგილებზე შრომის ორგანიზაციისა და დისციპლინის განმტკიცების და ჯანსაღი მორალური - ფსიქოლოგიური კლიმატის დამკვიდრებისათვის.

პლენუმზე ხაზი გაესვა იმას, რომ პარტიის პოლიტიკური კურსის განხორციელებაში თავისი წვლილი მუდამ შექონდა პროფკავშირულ ორგანიზაციებს. საბჭოთა ქვეყნის არსებობის ისტორიაში დღევანდელი ერთ-ერთი საუკეთესო პერიოდია მათ მუშაობაში შემოქმედებითობის დამკვიდრებისათვის, ვინაიდან საქართველოს სსრ კონსტიტუციის მეექვსე მუხლის ახალი რედაქციის შესაბამისად პროფკავშირებს, როგორც სხვა პარტიებს, თანაბარი უფლება აქვთ მონაწილეობდნენ ქვეყნის მართვა-გამგეობაში. მეტი ინიციატივანობა და დინამიზმი, აი, რას მოითხოვს დღევანდელი მათგან. პლენუმმა საჭიროდ მიიჩნია, რომ პროფკავშირების რაიონული საკოორდინაციო საბჭოს ხელმძღვანელობით, რაიონის დარგობრივმა პროფკავშირებმა მუშაობის სრულყოფის კვალობაზე თავიანთი კვალიფიციური სიტყვა თქვან ახალი სამეურნეო მექანიზმის დამკვიდრებისათვის ბრძოლაში აგრარული პოლიტიკის განხორციელებისათვის.

რეგულაციური მოვლენებით აღსავსე პერიოდმა გაბედულად წარმოაჩინა აუცილებლობა უარი ეთქვას ყველაფერს ხელოვნურს, მოჩვენებითს და დრომოკმულს, რაც ქვეყნის ისტორიის დანაშრეებში დარ-


ჩა. პროგრესულისაკენ სწრაფვა სრული გაბედულობით გამოხატა რესპუბლიკის ახალგაზრდობამ. სრული ეკონომიკური დამოუკიდებლობის მოწოდება, რაც ქართველ ახალგაზრდობას თავიანთი შემოქმედებითი ცხოვრების უპირველეს დევიზად აქვს გადაქცეული, რაიონის ახალგაზრდობის ძირითად სამოქმედო პროგრამად უნდა გადავაქციოთ და ამ საქმეში კომკავშირის რაიონულმა კომიტეტმა თვისობრივი გარდაქმნით, უთუოდ უნდა გამოკვეთოს წინამძ-

ღოლის, ლიდერის როლი. დასასრულს პლენუმის მონაწილეებმა რწმენა გამოთქვეს, რომ ახლა, როცა ჩვენი ქვეყნის საზოგადოებას ღრმა თვისობრივი ცვლილებების დრო დაუდგა, რაიონის კომუნისტები ცხოვრების მიმდინარეობის ავანგარდში ჩადგებიან, გააჩაღებენ ორგანიზატორულ შრომას, აგრარულ პოლიტიკას უზრუნველყოფენ იდეოლოგიურად, შექმნიან პოლიტიკურ და ეკონომიკურ წინამძღვარებს იმისათვის, რომ წინ წაიწიოს რაიონის ეკონომიკამ.

ჩვენს საჭირის-უფლოში

გუდულაშის

ეკლესია



სოფლამის უსახელოსა და და უცხერის თავზე, მაღალ, ლამაზ გუდულაშის გორაზე, ურთხელის დღემდე ხელუხლებელმა კორომმა არ შეიძლება არ მიიქციოს მხანველის ყურადღება. აქ ერთ მეტრამდე და ერთ მეტრზე მეტი დიამეტრის მქონე 40-ზე მეტი ურთხელი დგას. იგი ძველთაგანვე სალოცავ ადგილადა მიჩნეული. აქვეა გვიანი შუა საუკუნეების ლეჩხუმის ძეგლებიდან ერთ-ერთი საყურადღებო გუდულაშის წმინდა გიორგის ეკლესია. იგი არა მარტო სოფლების: უსახელოს, ხოჯის, უცხერის, ნახერის, ღვირიშის მცხოვრებთა სალოცავია, არამედ იქ „გუდულაშობის“ დღესასწაულზე თითქმის ლეჩხუმის მეტი წილი სოფლებიდან დადიან მლოცველები.

გუდულაშის ეკლესია საშუალო ზომის ნაგებობაა. იგი თირის ქვის ფილებითაა მოგებული, ოვალური მოხაზულობის მოედანზე დგას. ჩრდილო დასავლეთით დარჩენილი ნანგრევები კარიბჭისა უნდა იყოს. სამხრეთ დასავლეთით, მოშორებით, სწორკუთხა ნაგებობის კვალი გაირჩევა.

დარბაზული ეკლესია გეგმით კვადრატს უახლოვდება. ნახევარწრიულ, ფართოდ გაშლილ აფსიდში აღმართულია ტრაპეზი. სივრცის გადამხურავი კამარის საბჯენი თაღები პილასტრებზე ყოფილა დაყრდნობილი. ისინი მცირედ არის გამოხული კედელ-

ის სიბრტყიდან. აღმოსავლეთით გაჭრილი სარკმელი სწორკუთხაა, მეორე—თაღოვანი მოხაზულობის ჩრდილოეთ კედელშია. ერთადერთი კარი დასავლეთით არის მოწყობილი. იგი გარედან ვიწრო და სწორკუთხაა, მაღალი ზღურბლით, შიგნით კი თაღით არის დასრულებული. გრძივი კედლების გახწვრივ ჩამოსაჯდომი საფეხურია. კედლებს მაღლა თარო შემოსდევს, რომელიც გვიან მოწყობილი ბრტყელი გადახურვისათვის უნდა იყოს განკუთვნილი. ერთსაფეხურიან ცოკოლზე მდგარი ეკლესიის სადაფასადების ერთადერთ მორთულობას აღმოსავლეთის სარკმელის წყვილი ლილვით გაფორმებული საპირე და მარტივად პროფილირებული კარნიზი წარმოადგენს. საშენ მასალად გამოყენებულია ერთმანეთზე კარგად მორგებული ქვის კვადრები. თლილი ქვის ყოფილა კარიბჭე და ეზოს ფილაქანიც.

სალოცავზე ურთხელის კორომის განახლებას ერთგვარად ხელს უშლის უხეიროდ ჩახერგილი, წაქედილი, გამხმარი ხეები. კარგი იქნება, თუ მეზობელი სოფლების ახალგაზრდები გამოიჩენენ ინიციატივას და მომავალ გუდულაშობამდე გაასუფთავენ სალოცავს.

„გუდულაშობა“ ყოველთვის ემთხვევა ამაღლების დღესასწაულს, რომელიც იმართება ადგომიდან 40 დღის შემდეგ. მიმდინარე წელს იგი გაიმართება 24 მაისს.

გუმბათადახდილი გაიშალა ტაძარი
ელვათა კვეთებამ კედლები დაბზარა
საკურთხეველში გამდნარ ვარსკვლავთა
იღვრება ღვარი
ააღლა ჭვარი
ზეცაა მწირველი

ზვიად გამსახურდია.

ჯ ვ ა რ ს მ ა

დღეს დიდი ხუთშაბათია, მაცხოვრის ჩვენის იესო ქრისტეს იერუსალიმში დიდებით შესვლიდან (ზხოზა) მე-5 დღე. ამ დღეს გაიმართა პასექის წინა საიდუმლო სერობა, სადაც ინახად მჯდარმა ქრისტემ ამცნო თავის 12 მოწაფეს, რომ ერთ-ერთი მათგანი გასცემდა მას.

„და როცა ჰმადნენ ისინი, აიღო პური იესომ და აუკურთხა, გატეხა, მისცა მოწაფეებს და უთხრა: მიიღეთ, ჰმადნეთ, ეს არის ჩემი ხორცი.“

და აიღო სასმისი და აუკურთხა, მისცა მათ და თქვა: ამით სვით ყველამ.

ეს არის ჩემი სისხლი ახალი აღთქმისა, მრავალთათვის დათმული ცოდვითა მისატყვევლად (სახარება მათესი, თავი 26-ე).

სერობის შემდეგ იესო მოწაფეებთან ერთად გაემართა გეთსიმანიაში, რათა მომზადებულიყო სიკვდილისა და მომავალი ტანჯვისათვის. სანამ იგი მწუხარებდა და ილოცდა, მოწაფეებს,

მიუხედავად მისი გაფრთხილებებისა, ეძინათ. იესომ საძიებრ გააღო ისინი და უთხრა: „აჰა, მოაწია ღრმად, და ძე კაცისა მიეცემა ცოდვილთა ხელში“ (მათე, თავი 26-ე, მუხლი 45).

ეს აღასტურებს, რომ იგი თავისი ნებით მიეცა მტარვალთ, როგორც თავისივე ბედის გამგებელი.

გამთენიისას გამოჩნდა კიდევ გამცემი, თორმეტთაგან ერთი მოწაფე, იუდა ისკარიოტელი, რომელსაც თან ჯარისკაცები და მღვდელთმთავრები ახლდნენ. იუდა ეამბოროტა მოძღვარს, ეს ნიშანი კარდა, რომ მომხდურთ შეეპყროთ ქრისტე. ერთ-ერთმა მოწაფემ, პეტრემ იშიშვლა მახვილი და ყური ჩამოათალა მღვდელთმთავრის მონას, რასაც მოჰყვა ქრისტეს სიტყვები: „ჩაიჭე მახვილი ქარქაშში, რადგანაც ყველა ვინც აიღებს მახვილს, მახვილითვე დაიღუპება...“ (მათე, თავი 23-ე, მუხლი 35).

ხოლო ეს იქნა, რათა აღსრულდეს დაწერილი წინასწარმეტყველება:

ელთა მიერ, მაშინ ყველა მოწაფემ მიატოვა ის და გაიქცა“ (მათე, 26, 52-56).

მას შემდეგ, რაც მღვდელთმთავრები და მთელი სინედრიონი ტყუილად გაისარჩნენ და ცრუმოწმეთა ცილისწამებამაც ვერ დააჯერა ხალხი, ერთი მღვდელთმთავართაგანი შეეკითხა იესოს: „გაფიცვებ ცოცხალ ღმერთს, გვითხარი, შენ ხარ თუ არა ქრისტე, ძე ღმერთისა?“ (მათე, 26, 63), რაზეც დასტური მიიღო მისგან. ეს ღვთისგმობად ჩათვალეს და განაჩენიც გამოუტანეს: სიკვდილი.

ბრბო აფურთხებდა და სცემდა იესოს. ტაძრის ეზოში კი იჭდა პეტრე, თავისი მასწავლებლის - ბედით შეწუხებული, როდესაც მხეველებმა იცნეს ქრისტეს მოწაფე, შეშინებულმა პეტრემ იუდა მისი ნაცნობობაც კი, იმ ღამით კიდევ ორჯერ განმეორდა მოწაფისაგან მოძღვრის უარყოფა და მხოლოდ შემდეგ გაახსენდა პეტრეს, როგორ უთხრა იესომ, ამაღამ მამლის მეორე ყვირილამდე საძიებრ უარმყოფო.

როცა იუდა დაინახა თავისი საქციელის სიმძიმე, მოინანია, დაუბრუნა უხუცესებს და მღვდელთმთავრებს ლაღატის საფასური—30 ვერცხლი და თავი ჩამოიხრჩო.

იესოს მსჯავრი რომის მეფის-ნაცვალს პილატეს უნდა გადაეწყვიტა. პილატემ თვითონ დაჰკითხა იგი, მაგრამ მის საქციელში დანაშაული ვერ დაინახა, და რადგან მეუღლემაც გააფრთხილა არ მიეღო მონაწილეობა მართალი კაცის დასჯაში, მან ხალხს მიანდო ყველაფერი. იუდაში წესად იყო, ღვთისსწავლულებზე ათვისუფლებდნენ იმ დამნაშავეს, რომელსაც ხალხი მოითხოვდა, თუნდაც კაცისმკვლეელი ყოფილიყო იგი, და ვინაიდან პასექი იყო, იუდაველთა ღვთისსწავლი, პილატემ შესთავაზა ხალხს, ამოერჩიათ ვინ დასჯილიყო—იესო თუ კაცისმკვლეელი ბარაბა. მღვდელთმთავრებისაგან მოსყიდული ბრბო ჯიუტად მოითხოვდა იესოს მოკვდინებას. ჯვარს ეცვას!—გუგუნებდა მოედანი. პილატემ ხელი დაიბანა წყლით, რითაც აჩვენა თავისი უბრალოება ქრისტეს დასჯაში და ხალხი გააფრთხილა უფლის სამსჯავროთი (აქედან მოდის ცნობილი ფიგურალური თქმა—ხელი დაიბანა).

ბარაბა გაათავისუფლეს, ხოლო იესო გაამართლეს, შემოსეს მეწაფეები ქლამით, თავზე ეცის გვირგვინი დახურეს და დიდხანს შეურაცხყოფდნენ „იუდაველთა მეფეს“. შემდეგ შემოახიეს სამოსი და ჯვარზე საცმელად წაიყვანეს. გოლგოთისკენ იესოს ჯვარი სიმონ კირენელს მიჰქონდა.

იესო ჯვარს აცვეს ორ ყაჩაღთან ერთად. უფლის ძემ ისე

მიიღო სიკვდილი, როგორც სხვა ჩვეულებრივმა ცოდვილმა, მაგრამ სწორედ ამით აღმაღლა მან ადამიანები იესოს ქრისტესად მა ნაღველით შეხედნენ მისი მიწოდეს. მერე წილი ყაღეს და მისი სამოსი გაიყვეს, დაუდეს თავით ბრალდება—წერილი: ეს არის იესო—იუდეველთა მეფე. ხოლო მღვდელთმთავრები, გაველენი და ჯვარცმული ავაზაკები ავინებდნენ და დასცინოდნენ მას, რაზეც ძე უფლისა პასუხობდა: „უფალო, მიუტევებ, რამეთუ არა უწყიან, რასა იქმნიან“.

ჯვარცმისთან 3 საათის შემდეგ წყვდიადმა მოიცვა ქვეყანა, ხოლო კიდევ 3 საათის შემდეგ იესომ თავი აიღო და შეჰღალდა: ღმერთო ჩემო, ღმერთო ჩემო, რატომ მიმტოვე მე? და განუთქვა სული. „და აჰა, ზემოდან ქვემოდან, შუა ჩაისა ტაძრის ფარდა, და იძრა მიწა და დასკდნენ კლდენი“ (მათე, 27, 51) და როცა იხილეს ამგვარი სასწაული, აღმოხდათ: „ჰეშმარიტად, ეს კაცი ძე იყო ღმერთისა“ (ლუკა 15, 39).

ასე ევნო და ეწამა ადამიანთა მოღმისათვის იესო ქრისტე, მაცხოვარი ჩვენი. მას აქეთ ჯვარცმის დღე დიდ პარასკევად იწოდება. ესაა ევნების შვიდეულის მე-6 დღე, იგივე წითელი პარასკევი, როცა ყოველი ჰეშმარიტი ქრისტიანი ეძლევა მძიმე მარჯვას.

პუბლიკაცია მოამზადა ია ხეილიძემ.

ეპიმი

გვიჩვენე

შაქრიანი ღიაგაზი

შაქრიანი ღიაგაზის გამოყენება ფაქტორად მიჩნეულია სხვადასხვა მიზეზით კულტურულ-ეკონომიკური ენდოქრინული ფუნქციის დაქვეითება, ინფექციები, ნერვულ-ფსიქიკური ტრავმები, პარბიკვება, სიმსუქნე და გენეტიკური ხასიათის დარღვევები.

შაქრიანი ღიაგაზის ყველაზე ხშირი და დამახასიათებელი კლინიკური ნიშნებია: პირის სიმშრალე, გაძლიერებული წყურვილი და შარდვა, საერთო სისუსტე, წონაში დაკლება, კანის ქავილი, მხედველობის დაქვეითება.

ღიაგაზი შეიძლება სხვადასხვანაირად დაიწყოს და მიმდინარეობდეს: თანდათანობით, მწვავედ ანდა ხანგამოშვებით. რაც უფრო ხშირია ავადმყოფი და ღიაგაზი მსუბუქი, მით უფრო თანდათანობით იწყება ავადმყოფობა, პირიქით, ახალგაზრდებს, მითუშეტეს ბავშვებს, ღიაგაზი უფრო ხშირად იწყება მწვავედ და მძიმედ მიმდინარეობს.

შაქრიანი ღიაგაზის დროს თითქმის ყველა ორგანო განიცდის ღიაგაზისათვის დამახასიათებელ ცვლილებებს. კერძოდ, ნერვული სისტემა, თვალის, თირკმლის, გულ-სისხლძარღვთა სისტემა, გართულებებიდან

მნიშვნელოვანია დიაბეტური და პიროგლიკემური კომა, რომლის ნიშნების გამოვლენისთანავე ავადმყოფი უნდა ეჩვენოს ექიმს.

შაქრიანი დიაბეტით დაავადებულთა მკურნალობა დაავადების სიმძიმის მიხედვით ხდება. გამოყენებულია დიეტოთერაპია, ტაბლეტოთერაპია და ინსულინით მკურნალობა.

შაქრიანი დიაბეტის პროფილაქტიკა არის ზოგადი და ინდივიდუალური ხასიათის. ზოგადი პროფილაქტიკა გულისხმობს კვებისა და ცხოვრების საერთო პიგიენური რეჟიმის დაცვას: კვებითი ჭარბი ექსცესებისა და სიმსუქნის თავიდან აცილება, საკვები პროდუქტების რაოდენობრივი და ხარისხობრივი შემადგენლობის ნორმიზაცია, უფრო მეტად ნატურალური, ძნელად ასათვისებელი ნახშირწყლოვანი პროდუქტების გამოყენება, ფიზიკური აქტივობის რეგულაცია, ცხოვრებისა და შრომის რეჟიმის სწორი ორგანიზაცია და სხვა.

ინდივიდუალური პროფილაქტიკა მოიცავს ღიაგაზის მხრივ რისკფაქტორების მქონე პირთა ინდივიდუალურ ზედამხედველობას, მათ ღრულ გამოვლინებას და სპეციალიზებულ ღრისიძიებათა ჩატარებას. მაგალითად, სიმსუქნის მკურნალობა, ზოგიერთ პრეპარატის პროფილაქტიკური მიზნით გამოყენება.

რისკფაქტორებს მიეკუთვნება: ბავშვი, რომლის ტყუპისცალს აღმოაჩნდება ღიაგაზი; როცა პირთაგანს ორივე მშობელი ჰყავს ღიაგაზით დაავადებული; როცა პირთაგანს ერთი

მშობელი ჰყავს დაავადებული და ამავე დროს მეორე მშობლის უახლოესი ნათესავი დიაბეტითა დაავადებული; ქალი, რომელსაც მძიმე წონის (4,5 კილოგრამი და მეტი) ბავშვი შეეძინა (სულერთია ცოცხალი თუ მკვდარი შობილი); ქალი, რომელსაც უმცირესოდ უერთარდება აბორტები ანდა ებადება მკვდარი და მახინჯი ნაყოფი.

ინდივიდუალური პროფილაქტიკის მიზნით ავადმყოფს გარდა სისხლის და შარდის საერთო ანალიზისა, ყოველწლიურად უნდა ჩატარდეს შაქარზე გამოკვლევა, ასევე აუცილებელია თვალის ექიმის და ნევროპათოლოგის კონტროლი.

3. ჩაჩიანი,
ცაგერის რაიონული საავადმყოფოს ექიმი ენდოკრინოლოგი.

მივსალმები იმას, რომ რაიონში შემოდის გერმანული ქურნალი „ბურდა“, მაგრამ უნდა ითქვას, რომ ვერ მივაღწიეთ ვერც ერთი გზით, რომ მისი ერთი ეგზემპლარი ხელმისაწვდომი იყოს ბიბლიოთეკის მასობრივი მკითხველისათვის. როცა ცაგერის სოიუზპეჩატის განყოფილებას მივავითხეთ, განყოფილების გამგემ გვიპასუხა: ქურნალი დალიმითებული არ არის და არ შეიძლება მისი გამოწერა.

მივსალმები იმას, რომ რაიონში შემოდის გერმანული ქურნალი „ბურდა“, მაგრამ უნდა ითქვას, რომ ვერ მივაღწიეთ ვერც ერთი გზით, რომ მისი ერთი ეგზემპლარი ხელმისაწვდომი იყოს ბიბლიოთეკის მასობრივი მკითხველისათვის. როცა ცაგერის სოიუზპეჩატის განყოფილებას მივავითხეთ, განყოფილების გამგემ გვიპასუხა: ქურნალი დალიმითებული არ არის და არ შეიძლება მისი გამოწერა.

მივსალმებს სჭირდება „ბურდა“

დადი ვარლამის ასულ დაუნიანს
მევიდ უოთას ქა ლიპარბელიანს
გილოცავთ ქალიშვილის შეძენას. მრავალი დაძმა შემატებოდეს. გემრავლებინოთ ფუძე-პერი.
ნელი, თამარ, ნანული, მარო, კლავდია ლეთოდიანები.

დალი დაუნიანს
მევიდ ლიპარბელიანს
გილოცავთ ქალიშვილის შეძენას, გაგეზარდოთ ღირსეული ქართველი ქალი.
ჩხუტელის საშუალო სკოლის პედაგოგიური კოლექტივი.

რედაქტორი
ნ. ნემსაძე.

ლაჩანურპისის კოლექტივი იუწყება, რომ გარდაიცვალა ლაჩანურპისის ყოფილი მთავარი ინჟინერი პავლე კონსტანტინეს ძე ბახტაძე და სამძიმარს უცხადებს განსვენებულის ოჯახს.

ლაჩანის საუბნო საავადმყოფოს თანამშრომლები იუწყებიან, რომ გარდაიცვალა ეთერ სეითის ასული ლაქვეზელიანი.